

S Y M B O L V M

Dieterichs Bry von
Luttig.

Der Mensch ist drum vernünfftig weiß/
Das er trag sorg/ hab mühe vnd fletß/
Den wer ohn sorg ist/ der thut eben
Wie vnuernünfftig Vieh hinleben.
Weñ wir noch weren im Paradies/
So het es viel ein ander weiß/
Jetzt aber für das täglich Brodt
Muß jeder sorgen frü vnd spot.
Dem ist nicht anders hin vnd wider/
In allen Ständen/ hoch vnd nider.
Schaw an die Dmensch vnd gieb acht/
Wie sie nach ihrer Notturfft tracht/
Ja schem dich/ daß diß Thierlein klein
Sol hierin dein Schulmeister seyn.
Drumb wer nach Ehr vnd frombkeit strebt/
Wart seins beruffs/ der ist ernehrt.
Viel glück vnd heil ist ihm bereit/
Ihm wird zu Lohn die ewig freude.
Der Christen aber in gemein
Sol alle sorg jekunder sein/
Wie sie nach Gottes willen eben.
In allem ihrem wandel leben.
Begehen ihre Sünd mit reu/
Vnd bitten Gott ohn alle schew/
Daß er von vns sein scharpffe Ruth
Abwend/ vnd stürk deß Türcken Ruth:
Daß seine Kirch im frieden stehe/
Mit danckbarkeit sein lob begehe/
Dieweil er/ wie ein starcker Held/
Ob sieget/ vnd das Feld behelt.

R N D E